

Powšitkowne WOZJEWJENJA

njedźelu, 22. junija 2014

Klášterski swjedžen

Pod hesłom „Hdžež dótkatej so njebo a zemja“ wotměje so tutu njedźelu, 22. junija, lětuši klášterski swjedžen w Pančicach-Kukowje. Ze swjedženskeje Božej mšu w 10.30 hodź. w cyrkwi kláštra Marijineje Hwězdy so swjedžen zahaji a z ekumeniskim nyšporom w 17.30 hodź. so zakónči. Mjeztym poskići so pisany program.

Přeprašenje do Domu swjateho Jana

Wšitcy zajimcy su srjedu, 25. junija, mjez 15 a 18 hodź. wutrobnje do Domu swjateho Jana w Smječkecach přeprašeni. W tym času móža dožiwić wšedny dzeń wobydlerjow a jich w skupinach wopytać. We wjacezaměrowej hali změja na přikład wiki z poskitkami ze zahrody a z wudžělkami kružka keramikarjow zarjadowane. Dale předstaji so tam bubonowa skupina wobydlerjow domu a poskići so swačina.

Tadej Šiman, nawoda domu

Duchowna hudźba

Šulerjo Clemensa Kowollika a Friedemanna Böhme wuhotuja njedźelu, 29. junija, we 18.00 hodź. duchownu hudźbu w Budyskej cyrkwi Našeje lubeje knjenje. Zaklinča twórby starych a nowych mištrów. Wobaj wučerjej přewodžetaj šulerjow na piščelach. Zastup je darmotny.

Lětni koncert w Radworju

Chór Meja přeprašuje wšitkich zajimcow na swój lětni koncert njedźelu, 29. junija, na zahrodu před Starej cyrkwičku w Radworju. Wot 15 hodź. poskići so swačina. Koncert zahaji so w 16 hodź. Program wuhotuja nimo Mejanow skupina Přezpólni a mali mejscy pjerachoj. Wšitcy su wutrobnje přeprašeni.

„Tour de Satkula“ wo pokal zbóžneho Alojsa

„Tour de Satkula“ přewjedže Towarstwo Cyrila a Metoda z.t. (TCM) pónđzelu, 30. junija, wot 18.30 hodź. we Worklecach jako kolesowarske wubědžowanje. Po přihotach startuja teamy potom w 20 hodź. Ale přeni džěl maja wokoło wjesneho hata běžeć a smědža so hakle potom na kolesa šwiknyć. Dobyčerskemu mustwu kiwa pokal zbóžneho Alojsa Andrickeho, kotryž spožči TCM. Wo njón wojować móža teamy, kotrež wobsteja z třoch wobdžělnikow. Kolesowarjo maja znajmjeńša 15 lět być. Hornja starobna hranica njeje postajena. Mustwa móža tež po splahu měšane być. Wosadna abo wjesna młodžina, sportowe a druhe towarstwa, swójby a štóžkuli hewak chce, móže team wutworić. Jeničke wuměnjenje je, zo njesmě so wubědžowanske koleso (Rennrad) wužiwać. Start je we Worklecach wosrjedź wsy pola busoweho zastanišća. Wottam pojedu wobdžělnicy nimo šule k Handriec hatej, dale do Noweje Wjeski a tam po kolesowarskej šćežce zaso do Worklec – dohromady tři koła, štož wučinja cyłkownje něhdže džesać kilometrow. Čas měri pak so jeničce wot poslednjeho z třoch kóždého teama.

Přizjewić měli so mustwa hač do pónđzele, 23. junija, pod TCM@Posol.de. MDR – Radio Satkula chce originalnje wo podawku rozprawjeć.

Zetkanje Częstochofskich putnikow

Tež lětsa pozbudža farar Beno Jakubaš, so w serbskej skupinje na putnikowanje z Waršawy do Częstochowy podać. Hić smě kóždy sobu, kotryž je 18. žiwjenske lěto docpěł. Termin putnikowanja je wot 5. do 15. awgusta. Zajimcy njech so hač do njedźele, 29. junija, pola fararja Bena Jakubaša w Njebjelčicach přizjewja, telefonowe čisło (0 35 78) 30 20 05. Zetkanje wšitkich putnikow budže štwórtk, 3. julija, w 20 hodž. w Njebjelčicach na farje.

Narodninska party – K stoćinam zbóžneho Alojsa młodžinski festival

Sta młodostnych z Łužicy, wšeho biskopstwa, druhich dželow Němskeje a z Čěskeje kaž tež Pólskeje wočakuja so w Radworju spočatk julija. Z młodžinskim festivalom, kotryž zahaji so pjatk 4. julija, w 17 hodž., wosweća tam 100. narodniny zbóžneho Alojsa Andrickeho. Hłowny organizator je nimo Radworskeje wosady franciskanski pater Paulus Maria Tautz, kotryž je hižo wjackróc we Łužicy pobył. Z poľnej zahoritosću mladym ludžom wěru spřistupnja, wužijo k tomu mjez druhim hudźbu, kotraž młodostnych „ze stólca storhnje“. Tak poskići so na přenim dnju po wječeri w 20 hodž. koncert z rockowymi skupinami z Jendźelskeje, Irskeje, Awstriskeje a Němskeje. Workshopy a koncert wočakuje młodostnych sobotu, 5. julija. Wječor přidruži so biskop Heiner Koch. Po Božej mši scěhuje „nightfever special“ a w poľnocy so narodninska torta nakraje. Nazajtra podadža so wšitcy do Róžanta na diecezanske putnikowanje. Přizjewić móža so zajimcy pod www.Alojs100.de.

Putnikowanje młodžiny do Krupki

Młodostni wot 16 lět su přeprašeni, wot njedźele, 27. julija, hač do pjatka, 1. awgusta, do Krupki putnikować. Přizjewić móža so hač do pjatka, 27. junija, na farje w Chróscicach, telefonowe čisło (03 57 96) 8 04 00. Po tym so hižo žane přizjewjenja njepríwozmu. Putnicy zetkaja so njedźelu, 29. junija, po nyšporje w Chróscicach na farje. Za wšitkich nowačkow je tute zetkanje winowatosć. Nyšpor je w 14 hodž. Putniska Boža mša w Krupce budže srjedu, 30. julija, w 10 hodž.

Ministrantska kopańca

Tradicionalny koparski turněr serbskich ministrantow budže lětsa sobotu, 5. julija, w Pěskecach. Započatk je w 9.00 hodž. z Božej mšu we wjesnej cyrkwičce. Mustwa měli so hač do pónđzele, 30. junija, w běrowje dekanatneho dušepastyrstwa we Worklecach pod telefonowym čisłom (03 57 96) 8 87 07 přizjewić.